

Pa motibo di maneho Neo Colonialista:

MESTER TIN CLARIDAD ENCUANTO DIPLOMA PROME CU HURAMENTACION

ORANJESTAD(AAN) Personal cu ta traha den enseñanza na Aruba ta existi claridad di formador di gobierno prome cu huramentacion di un candidato, di cual no ta conoci si e tin su diploma di school si o no por huramenta pa bira ministro.

No tin nada contra cu un hende tin e diploma mas halto cu tin den nos sistema di enseñanza pasobra tin hende cu a demostra cu experiencia practico na pia di trabao, cu nan por a yega hopi leu pa te hasta traha riba nivelnan academico cu exito grandi.

Otro ta si un candidato nunca a yega di traha den cierto ramo y e candidato aki cu mester huramenta como ministro aparentemente no ta dispone di ni un diploma di Mulo.

Mas fastioso ta bira ora cu e candidato aki publicamente ataca personal academico y haci bofon di nan y mayan personal academico mester bay depende di e persona cu no tin ni Mulo y menos experiencia den e sector cu e mester bay guia como ministro.

Posiblemente awe mes huramentacion di ministro nan den e gabinete nobo por tuma lugar y aki ta caminda cu e sapato lo bay primi pasobra sigur personal cu ta traha den sector di enseñanza na Aruba kier claridad riba asunto di diploma di un candidato cu mester huramenta como ministro.

Segun informacionnan cu tabata circula tur caminda na Aruba, un candidato cu a entrega su credencialnan no a pone si e Mulo diploma cu e tabata papia di dje, si e tin esaki o ta Mulo so el a bay y nunca el a haya su diploma.

Den un CV mester tin poni for di ki aña pa ki aña un hende a bay cua school y tambe na ki aña e persona a haya su diploma y den caso di

e candidato menciona, no ta conoci ki tempo el a haya su diploma o si e tin e diploma mes.

Personal den enseñanza kier sa di formador di gobierno; si Aruba ta haya un ministro cu no tin ni diploma di MULO.

Diploma no ta tur cos pero mirando cu parlamentarionan a vota pa salarionan gigantesco por lo menos pueblo tin e derecho pa haya un ministro cu tin minimo Mulo pa por gana e diner cu na ta haya tur fin di luna.

Mayoria persona cu e diploma di mulo di antes awendia no ta yega mas leu cu algun cien florin riba salario minimo.

Ta responsable pa laga un persona cu no tin experiencia den un sector specifico bira ministro pa e sector aki, si e persona aki tin apenas Mulo y posiblemente ni e diploma di Mulo e no tin?

Ki dia e gobierno nobo lo bay baha salarionan gigantesco cu nan a duna nan mes pasobra placa a bira schaars pa gobierno!

Parlamentario Rudy Croes a nenga invitacion di Ministro Voorhoeve

ORANJESTAD(AAN) For di parlamentario di fraccion di MEP, señor Rudy Croes, redaccion di DIARIO a haya copia di e carta cu Rudy a manda pa representante di Hulanda na Aruba, esta KABNA, pa asina laga KABNA sa cu señor Rudy Croes di MEP no ta acepta e invitacion cu el a haya pa ta presente na un receptie pa ministro Voorhoeve di Hulanda kende lo yega Aruba 13 di juni awor.

Den e carta señor Rudy Croes ta gradici e representante di Hulanda, KABNA pa e invitacion, pero ta laga nan sa cu pa consideracionnan di principio e no lo ta presente pa motibo cu ministro Voorhoeve a hiba un maneho Neo Colonialista cu ayudo di AVP y OLA durante ultimo tres aña y mey.

Pa motibonan cu Ministro Joris Voorhoeve no a tuma e unico partido di oposicion MEP na serio, señor Rudy Croes tabata haya cu pa su principionan e no por ta presente na e receptie pa e ministro Hulandes.

E carta manda di parti di señor Rudy Croes di fraccion

di MEP pa ministro Voorhoeve ta uno hopi fuerte, duro y

directo y cu sigur no lo cay na agrado di Den Haag.



LID DER STATEN VAN ARUBA
H.R. Croes

Aan de heer drs. H.Q. Meijer
Vertegenwoordiger van Nederland
p/a Kabna
Plaza Henry Eman
Oranjestad
ARUBA

Oranjestad, 11 juni 1998

Alsnog bedankt voor Uw uitnodiging voor een ontvangst ter gelegenheid van het bezoek van de heer dr. ir. J.J.C. Voorhoeve, minister voor Nederlands-Antilliaanse en Arubaanse Zaken.
Uit principiële overwegingen zal ik niet aanwezig zijn vanwege het neokoloniale beleid dat bovengenoemde gevoerd heeft met medewerking van de AVP-OLA regering van de laatste drie en een half jaar, tevens het niet "au sérieux" nemen van de enige oppositie partij (MEP).

Verbleef ik,

H.R. Croes
Lid der Staten
voor de Mep-fractie

BACK TO SCHOOL!!



TELEFONNAN
DI DIARIO
826747
FAX
828551

7/10/98